

قيام الليل | "ليلة إيمانية مع سورة المزمل" | #الغرفة_الدعوية

| د. حازم شومان

حازم شومان

للله وكفى وصلوة وسلاما على عباده الذين اصطفى. اللهم لك الحمد كله ولك الملك كله وبيدك الخير كله. واليك يرجع الامر كله. اللهم صل على حبيب قلوبنا وعلى طبيب قلوبنا وعلى شفيعنا يوم العرض عليك محمد صلى الله عليه وسلم. اللهم صلي عليه في الاولين والآخرين والملا - 00:00:00

الاعلى الى يوم الدين اما بعد. اخواني واحبابي في الله الله سبحانه وتعالى يتنزل كل ليلة في الثالث الاخير من الليل. الناس عارفة ان ربنا بيتنزل كل ليلة في الثالث الاخير من الليل وانه بيقول هل من سائل فاعطيه؟ سألت نفسي مرة لو كان ربنا مش بيتنزل كل ليلة لو كان ربنا بيتنزل كل تلات شهور مرة تخيل - 00:00:24

جاء له هم اربع مرات في السنة او مرتين في السنة. كانوا الناس عملوا ايه في الليلة اللي كل تلات شهور مرة؟ يعني لو كان النبي عليه الصلاة والسلام قال ان الله يتنزل مسلا اول يوم - 00:00:44

في ايه؟ في مسلا كل تلات شهور عربية مسلا. كان الناس يعني نامت في الشوارع وفي المساجد. في الليلة ديت ليه؟ يقول لك ربنا كل تلات شهور مرة ده فرصة عمرنا نطلب بقى للثلاث شهور اللي قدام اللي جايين. طب يا اخوانا - 00:00:54 ربنا ليه خلاها كل ليلة برة رغم ان كثير من الناس زهت في قيام الليل آآ وقال ايه كل ليلة فلو فاتتنني الليلة ديت ابقى اشوف الليلة اللي بعدها. عارفين ليه - 00:01:11

بيتنزل كل ليلة لانك تحتاجه كل ليلة. لانك تحتاجه كل ليلة. لانك ما تقدرش تستغنى عن ربنا. في اي في يوم من حياتك عشان كده سيدنا ابراهيم لما لقى القمر قفل قال لا احب الاشخاص. لما لقى الشمس قافلة - 00:01:21 كوكب افل قصدي قال لا احب الاشخاص. يعني ايه لا احب الاشخاص؟ يعني دلوقتي لو رببي بيقف بالليل وانا احتجت مشكلة اقف على باب مين؟ اقول يمين لو حصل لي مشكلة بالنهار - 00:01:41

وربي ما بيطلعش بالنهار اروح لمين؟ اقف على باب مين؟ اطرق باب مين؟ هي دي قضية كبيرة قوي يا اخواني. قضية قيام الليل. قضية ان الليل ده اصطفاء يا جماعة. قيام الليل ده اصطفاء واحنا بنتكلم في سورة المزمل. واحنا بنقف مع سورة من اعظم سور القرآن. مع السورة اللي صنعت دار الارقم - 00:01:51

الصورة اللي خرجت عظماء الدنيا كلها اللي فتحوا العالم من دار الارقم مع سورة المزمل مع السورة اللي بدأت اول اية منها بوصف النبي عليه الصلاة والسلام ولكن وصف ليه قبلبعثة. يا ايها المزمل النبي ده النبي ولكن قبلبعثة. يا رب فيه مزملين كتير اوبي. يا رب كل الناس دايما متزملة في البطاطين - 00:02:11

يا رب يا رب اشمعنى هذا المزمل لان فيه حاجة في قلبه. مش اي حد ربنا بيختاره. مش اي حد ربنا بيصطفيه. لو ربنا هيستعمل مننا دعاء ليه؟ لو ربنا هيفتح ابواب الدعوة اليه لحد مننا. لو ربنا هيستعمل حد مننا في الخلوة بين ايديه والمناجاة بين ايديه. لو ربنا هيستعمل حد مننا في - 00:02:31

حمدادة بن العبادات او صنف او باب من ابواب الاستعمال. مش اي حد ربنا بيستعمله يا جماعة. ربنا ما بيختارش اي حد يا جماعة. وكذلك قيام الليل ربنا ما بيختارلوش اي حد. مش اي حد انا اعرف اخ من يعني من الاخوة يعني - 00:02:51

اتنين مرة وكان يعني مكسل شوية في قيام الليل. ربنا ارسل له نملة نملة قعدت ساعتين تقطع في رجليه لحد ما قام وقام الليل ساعتين وهو يعذب ومش عارف يعمل ايه ومش عارف يتخلص منها. ساعتين تقطع في رجليه لحد ما قام وخلاص وقرأ الرسالة. فين - 00:03:07

انا بعد ساعتين قم صل قيام ليل قم اقف بين ايدين ربنا لو ارادك لاقامك. لو ارادك لاختارك قيام الليل ده اصطفاء. لو رئيس دولة نازل يزور اي بلد من البلاد. بيقول مين اللي بيقى في استقباله اللي في استقباله دول ناس هو بيحدهم بالاسم. اللي في استقباله دول صفوة البلد. اللي في استقباله دول بيسموه باعيان البلد - 00:03:27

كذلك الملك لما بيتنزل في التلت الاخير. مين اللي بيبيقى في استقبال الملك؟ مين اللي بيبيقى في الوقت ده؟ اللي ربنا بيعملهم في استقباله في الوقت دول هم اعياد كان الدنيا هم صفوة الدنيا هم خيرة الدنيا. ربنا ما بيختارش اي حد يا جماعة. ربنا ما بيصطفيش اي حد. ربنا ما بيعملش اي حد. عشان كده - 00:03:47

قال السلف من صفى صفى له. اللي هيصفي قلبه لربنا. اللي هيصفي حاله لربنا. اللي هيصفي حياته لربنا. هيصفي له. ربنا هيدى له الدنيا صافية ربنا يدي له الاستعمال صافي بلا شوائب وبلا منغصات. قيام الليل ده عامل زي مجمع التحرير بالزيط. عارفين مجمع التحرير يا جماعة؟ كان الناس قبل مجمع التحرير - 00:04:07

القاهرة يقولوا لهم في شارع عباس العقاد روحوا مش عارف هتلاقوا ايه. في شارع لبنان مش ميدان لبنان روحوا هتلاقوا المصلحة الفلاحية. وتختم بقى مش عارف منين وتلف - 00:04:27

فعملوا حاجة اسمها مجمع التحرير. كل المصالح موجودة في مجمع واحد. بحيس ان الناس تلacci كل حوايجها في مكان واحد. اهو ده قيام الليل. قيام الليل ده مجمع التحرير. مشكلة - 00:04:37

ايه؟ هل من سائل عنك حاجة عايزة؟ فاعطي هل من مستغفر عنك زنوب؟ فاغفر له. هل من تائب عنك ماضي رهيب ما انتاش عارف تتخلص منه ازاي فاتوب عليه؟ هل من مستشف عنك مرض فاشفيه؟ هل من مستدفع للضر عنك مشكلة - 00:04:47
منفصوا عليك حياتك. فادفعه عنك ايه؟ ايه المشكلة اللي عنك؟ مجمع التحرير. لو فيه ملك من كوكب تاني وعرف ان ربنا قال اللي قال للارض انه بيتنزل في التلت الاخير من الليل. الملك ده لا يشك لحظة انه لما بيجي يزور الارض بالليل هيلاقى الدنيا كلها صاحبة. ليه؟ ده وقت قضاء الحوائج. يا جماعة - 00:05:07

احنا بنزرع بالليل وبنحصد بالنهار. يعني اللي احنا بنتوسل الى الله فيه بالليل هو اللي احنا بناخد الاجابة من الله فيه بالنهار. بيقى كبيرة قوي قضية عظيمة قوي قضية قيام الليل قيام الليل. يا ايها المزمول قم الليل قم عمر. بداية القرآن قم الليل - 00:05:27
قم فانذر. بداية القرآن او كلها اوامر. ليه؟ لأن القرآن كان بيصنع ابطال. القرآن كان بيصنع شخصية قوية. لما الانسان نفسه بتتحكم فيه وشهوة هو انت بتتحكم في القلب ببنام المكتنة بتاعة القلب بتنم بيقى ما عندوش همة على العمل الصالح. فمن البداية كانت اوامر واامر فردية مش قوموا الليل - 00:05:47

مش اقرأوا اقرأ قم لانك انت لازم يكون عندك استعداد انك تبقى بطل رغم الزروف رغم اي اعاقة رغم اي مشاكل ان الانسان قرب من البداية على البطولة. ابدأ صح ابدأي صح. سورة المزمول بتقول لك البداية السليمة. هي دي اللي بتتصنع الابطال. في اول السورة يا ايها المزمول قم - 00:06:07

طب الفرض في اخر السورة ان ربك يعلم انك تقوم ها وطالفة من الذين معك. فاقرأوا ما تيسر من القرآن. بيقى يقولها قم اجاية في اخرها قوموا. اولها اقرأ انما في اخرها اولها فرض. انما في اخرها جماعة. لما النبي عليه الصلاة والسلام قام الليل ربنا ايده. ربنا نصره. قيام - 00:06:27

الليل سر النصر كله. قيام الليل لما كان صلاح الدين الايوبي يمر على الخيام ليلة معركة حطين. يلاقى جنود في خيمة قاعدين يقولوا الليل من هنا يأتي النصر. لو - 00:06:51

عايزين ننتصر على العلمانيين. لو عايزين ننتصر على اهل الباطل. لو عايزين ننتصر على اهل الباطل اللي سجنوا اخوانا وعذبوا

اخوانا. لو عايزين ننتصر على اي انت مين في الدنيا؟ من هنا يأتي النصر قيام الليل سر النصر. اذا مر على خيمة نايمين بالليل يقول من هنا تأتي الهزيمة. قيام الليل قيام الليل سر كل حاجة - 00:07:01

يا جماعة عشان كده مش عجيب ان ابو مسلم الخولاني كان وكان معلق كرباج لقيام الليل بس. لما كان رجله تتوانى في قيام الليل كان يضرها بالقرباج ويقول قومي. فوالله لازحفن بك زحفا. ايحسب اصحاب محمد ان يستأثروا به دوننا - 00:07:21 فوالله لنزاهم على الحوض حتى يعلموا انهم قد خلفوا ورائهم رجالا. يبقى كان بيعتبر ان قيام الليل هو السبيل الى حوض النبي صلى الله عليه وسلم هو السبيل الى السبق وصحبة النبي عليه الصلاة والسلام في الآخرة. يا ايها المزمل قم الليل. يبقى قيام الليل ده امر يا جماعة. قيام الليل في البداية كان امر - 00:07:41

وكان واجب في اول سنة لحد ما ارجل النبي عليه الصلاة والسلام والصحابة بقت عاملة زي جزوع النخل. قيام الليل عبادة غالبة عند ربنا للدرجة دي. لدرجة ان ربنا فرض - 00:08:01

قيام الليل قبل ما يفرض الصلاة. فرض قيام الليل قبل ما يفرض الزكاة. فرض قيام الليل قبل ما يفرض الحج. فرض قيام الليل قبل ما يفرض الصيام. يبقى معناها قيام الليل دي التربية الاولى - 00:08:11

قيام الليل ده المحضر التربوي الاول. قيام الليل ده بداية التربية. ده بداية الاصطفاء. ده بداية الاختيار. عبادة مهمة عند ربنا قوي. لدرجة قم الليلة الا قليلا نصفه او انقص منه قليلا او زد عليه. لما ربنا قال انقص القليل. ولما قال زد ما قالش قليلا. زد - 00:08:21

اي ما شئت وما استطعت. طب يا رب هنام امتى؟ قيام الليل هيبقى سبب بركة في الاعمار وسبب بركة في الوقت. لا تتتساعل لما هتفقي بين ايدين ربنا ايه اللي يحصل - 00:08:41

قائم الليل ده صاروخ. اللي بيقوموا الليل بيركبوه وينطلقوا به الى الفردوس الاعلى. لو موت نفسك بالنهاي مش هتحصل المسافات اللي قطعت بالليل صاروخ قيام الليل. قيام الليل ده صاروخ لمن يريد ان ينطلق الى الفردوس الاعلى. يركبه كل ليلة - 00:08:51 يعني قيام الليل عبادة غالبة عند ربنا اوبي يا جماعة. عشان كده العبادة الوحيدة اللي ربنا ما نزلهاش ملائكة. العبادة الوحيدة اللي ربنا ما نزلهاش حتى حملة العرش. العبادة الوحيدة اللي ربنا تنزل لها بنفسه. العبادة الوحيدة اللي ربنا ما نزلش - 00:09:07

لك ولا لك فيها. ربنا قال انا اللي هتنزل لها بهذه العبادة. يبقى العبادة دي غالبة عند ربنا قد ايه؟ يبقى العبادة ديت عظيمة عند ربنا سبحانه وتعالى قد ايه لما ربنا سبحانه وتعالى يقول يا داود اتعلم يا داود ان لي عبادا فرشوا لي - 00:09:27 في وجوههم ونصبووا لي اقدامهم وناجوني بكلامي. وتملقوالي بانعامي. فهم اين صارخ وباكى وبين متاؤه وشакى. اتعلم يا داود اني اعطيهم ثلاثة. الاولى اني اقذف من نوري في وجوههم وقلوبهم. فتستضيئ وجوههم وقلوبهم. والثانية اني اقبل - 00:09:47 عليهم بوجهي اتعلم يا داود من اقبلت عليه بوجهي؟ ماذا اريد ان اعطيه؟ والثالثة لو والثالثة لو ان السماوات والارض في ميزانهم يوم القيمة لاستقللتها عليهم. عارفين ايه الاثر ده يا جماعة؟ فيه اثار. اثر منبني اسرائيل. ما تقدرش حد يقول انها صحيحة وانها ضعيفة. حدثوا عنبني اسرائيل ولا حرج. ولكن لو جينا نتذبر ربنا بيقول اقبلوا - 00:10:17

بوجهي ارأيت يا داود من اقبلت عليه بوجهي؟ ماذا اريد ان اعطيه؟ يبقى دي الدنيا. طيب والثانية اقذف بالنوري في وجوههم وقلوبهم فتصطيء وجوب قلوب بلدي - 00:10:47

يبقى ده الدين والفتح في الدين. طب الثالثة لو ان السماوات والارض في ميزانهم لاستقللتها عليهم يبقى ده الآخرة. الميزان يوم القيمة في الآخرة. يعني ربنا بيقول عبادة اللي هتجيب لك الدين والدنيا والآخرة. قيام الليل مش بقول لكم مجمع التحرير يا اخوانى. مش بقول لكم قيام الليل ده مجمع التحرير. ده ده - 00:11:00

اجت اللي جمعت كل يعني كل الاحلام بتاعة الانسان. عشان كده هي عاملة زي ايه؟ يعني يقول لك لو انت معك تأشيرة وزير لو انت عايز تجيب تأشيرة وزير يا عم ده مستعد اتهدل. بس تأشيرة وزير دي معناها ان المشكلة بتاعتني اتحلت. والله المثل الاعلى. طب لو معك تأشيرة من المالك بقى؟ من مالك الملك سبحانه وتعالى؟ اهو ده - 00:11:20

بالليل يا جماعة. قيام الليل شيك على بياض. شيك على بياض. هل من سائل فاعطيه؟ شيك على بياض. اطلب اللي انت عايزه. عشان

كده قيام الليل مليان معجزات شفاء. قيام الليل - 00:11:40

ايه المعجزات هداية؟ فيه ناس بقت صدقين بسبب دعاء في قيام الليل. فيه ناس اتجوزت بسبق انا اتجوزت بقيام الليل. فيه ناس
انجابت بقيام الليل. فيه ناس شفيت من امراض - 00:11:50

لا يوجد لها حل في الطب من قيام الليل. يعني احد الناس آآ يعني وهو من هنا يعني من عندنا ونزل القاهرة يكشف عند دكتور من
الدكتورة وكان عنده مرض يعني اللي هو اللي هو البهاق. مرض البهاق ومرض ما لوش علاج طبي - 00:12:03

في آآ يعني الرجال خلاص بقى اتبهدل والمرض ده بيبقى الجلد بعد كده بقى بيبقى مؤلم جدا. ولما يجي عليه ماية يعني مرض متعب
غير بقى. انتم عارفين الالام النفسية اللي هو ممكن بيبقى - 00:12:22

ما فيها غير الالم البدني. فسبحان الله العظيم! يعني اه روح من على الدكتور على المسجد. يعني في القاهرة وظل يصلني قيام الليل
لله ويبكي ويتوسل الى الله سبحانه وتعالى ويتوسل الى الله بان ربنا يشفيه. هذا الرجل في نفس الليلة دهيت يعني كل - 00:12:32

اللي على جلده تحول كأنه بودرة. يعني قام اغتسل كل ده راح من على جلده. ازاي؟ هو ايه اللي ازاي يا جماعة؟ هو مع ربنا ازاي؟
لما سيدنا زكريا قال لسيدنا مريم ان - 00:12:52

لكي هذا ازاي؟ قالت له هو من عند الله ما فيش ازاي مع ربنا. قيام الليل انا سلنقي عليك قولنا ثقيلا. الدعوة صعبة. والتربية صعبة
والمواصلة في الطريق صعبة. من غير الزاد المستمد من الله ما حدش هيقدر يكمل. ان ناشئة الليل يقول لك الناشئة اللي تحت
سبعيناشر. والناشئة بتوع النادي الاهلي - 00:13:02

اللي اتردوا في مدرسة قيام الليل. اللي قلوبهم اتملت بالمعاني اللي نشأت في قيام الليل. هي اشد وطأة العزم واقوى مقيلا الفهم قيام
الليل سبب العزم وسبب الفهم. ان لك في النهار سبحا طويلا. وبعد كده تلacci ربنا يقول لك ان لدينا انكالا وجحيمها. وطعمها -
00:13:22

بغصة وعداها اليما. يوم ترجمف الارض والجبال وكانت الجبال كثيبة مهيلا. يا رب انت بتتكلم عن اليوم اللي الارض اللي ما لهاش
صحيفة هترتكب فيه امال البشر هيعلموا ايه؟ اللي الولدان هتبقى فيه شيب اللي ما لهاش صحيفه. امال البشر اللي اليوم ده معمول
عشان حسابهم هيعلموا ايه؟ طب يا رب اتكلمت عن يوم القيمة هنا ليه - 00:13:42

يا رب انت بتتكلم عن قيام الليل. الكلام عن القيمة. فجأة الكلام بقى عن القيمة. اللي قلب الكلام من القيام للقيمة. كانه اما قيام بين
يدي الله في الدنيا واما القيام الطويل يوم القيمة. في الآخرة اختار القيام او القيمة. اختاري الوقفة بتاعتكم من - 00:14:02

اتقوا ربنا في الدنيا ديت هتشيل عنك الوقفة في حر الشمس يوم القيمة بين يدي الله سبحانه وتعالى. قيام الليل ده يا جماعة يعني
انا عايز عايز اقول لكم ايه ارباح قيام الليل. ارباح قيام الليل لما النبي عليه الصلاة والسلام يقول اقرب ما يكون الرب من العبد في
جوف الليل - 00:14:22

في الآخر مش اقرب ما يكون العبد الى الله اقرب ما يكون الرب من العبد. يعني اعظم لحظة هيتجلى فيها اسم الله القريب في
حياتك. اعظم لحظة تحس ان ربنا قريب منك فيها. اعظم لحظة هتحس ربنا قريب منك قد ايه فيها. اقرب ما يكون الرب من العبد
في جوف الليل - 00:14:42

الاخير قيام الليل سر الحب كله. ابو سليمان الدراني كان يقوم الليل فهو يصلني فطبعا يعني ما نامش خالص. فهو يصلني وهو في
السجود قام نايم. نام فحلم بحورية من حور الجنة وهي تركله برجليها. يعني دلع يعني يعني تركله برجلها وتقول حبيبي - 00:15:02

انتام وانا اربى لك في الخدور؟ حبيبي ركعتين في قيام الليل خد بهم كلمة حبيبي؟ ده كلمة حبيبي دي الشباب بيطلع روهم عشان
يسمعوها من بعض. الشباب بيعملوا كل حاجة عشان يسمعوها من بعض. وده برکعتين في قيام الليل بسجدة. في التلت الاخير من -
00:15:22

بالليل بسجدة في جوف الليل الآخر يسمع كلمة حبيبي. قيام الليل سر المتعة كلها يا جماعة. لما عبدالله بن عمرو بن العاص كان يقوم

كل في الليل يختتم القرآن مرة من العشاء للفجر. كل ليلة يفضل يصلى بالقرآن. فالنبي عليه الصلاة والسلام يعني استدعاه وقال له يعني انه كده بيشد على نفسه - 00:15:42

قال له يا رسول الله دعني استمتع من قوتي وشبابي. يعني اتمتع بشبابي يا رسول الله. ده المتعة بتاعتي. ده المتعة بتاعة حياتي دي جنة الدنيا. يعني استمتع من قوتي وشبابي. يعني هو شايف ان قيام الليل ده المتعة. قيام الليل سر اللذة كلها - 00:16:02
سران الانسان يعيش حياته في لذة النبي عليه الصلاة والسلام لما اقترب من السيدة عائشة تقول السيدة عائشة حتى مس جلدي جلدا. لحد ما مس جلد جلده يعني واحد مع زوجته شابة وصغيرة وجميلة يعني - 00:16:22

يا اخوانا يعني الموقف يعني حتى مس جلد جلدي ف قال يا عائشة ذريني اتعبد لربى ذريني يا عائشة اتعبد لله سبحانه وتعالى فقام يصلى ويبيكي حتى مل لحيته. النبي عليه الصلاة والسلام بل لحيته وببل صدره. ونام النص ساعة اللي كان - 00:16:36
قبل الفجر فنام وهو بيكي وظل بيكي لحد ما رجع سيدنا بالال يصحيه للفجر فوجده بيكي وهو نائم عليه الصلاة والسلام. فقال ما بيكيك يا رسول الله النبي عليه الصلاة والسلام يعني تخيلوا النبي لذة قيام الليل والوقوف بين ايدين ربنا ومناجاة الله وقربناه نجيما. مش اي حد ربنا بيقربيه بيقربيه - 00:16:56

عبدت المنجاها ده اصطفاء واختيار من الله سبحانه وتعالى يا اخوانى. عشان كده ان لدينا انكالا وجحيمما. النكل ده يعني جزء من اللي جاب الحمار. يعني فيه مسخ يعني فيه قبود وجحيم. جحيم ده والعياذ بالله - 00:17:16

يعنى اشد من النار اشد من النار المسلط الضيق العميق الموجه على الجسم الشديد وطعاماً ذات غصة كلمة عبر الاكل اللي يقف في الزور ينفع يخرج ولا ينفع يدخل. يعني احساس رهيب يا جماعة وطعاماً ذات غصة. وهو مضطر يأكل لانه يموت من الجوع - 00:17:32

وما فيش حاجة بيلعوا بها غير الغسلين والصدىيد والحمىب والعياذ بالله. حاجة رهيبة. وعذاباً اليما. يا رب كل اللي فات ده مش عذاب. الانكال والجحيم والطعام كل ده غصة كل ده ما هوش عذاب لسه كمان وعذاباً اليما. يعني قائمة استضافة التعزيب في جهنم بعد كل ده. يوم ترتجف الارض والجبال. الكون بيرتجف والكون - 00:17:52

ما هواش بيحاسب يوم القيمة. ولا يوم القيمة معمول عشان حسابه. وكانت الجبال كثييراً مهيلاً انهياراً من الخوف والرعب. الجبال بتنهار. بتتصدى. بتبقى زي الكسيب البهيل لو انا ارسلنا اليكم رسولاً شاهداً عليكم. بيقى القضية هنا ايه يا جماعة؟ زي ما ربنا قال ان هذه تذكرة. فمن شاء - 00:18:12

الى ربه سبيلاً. قدامك الفرصة انك تقوم الليل الوقتي. قدامك الفرصة انك تقوم الليل الوقتي القيام او القيمة. يا قيام ساعة بين ايدين ربنا في التلت الاخير من الليل في الدنيا. يا قيام خمسين الف سنة في الدنيا. خمسين الف سنة في الدنيا. بعد كده تيجي الاية الاخيرة. ان ربك - 00:18:32

يعلم انك تقوم ادنى من ثلثي الليل. ثلثي الليل النبي عليه الصلاة والسلام يعني مروي عنه ان الله ليضحك الى رجلين. رجل من قام من لحافه وفراشه ودثاره يعني واحد كان معاه اللحاف والبطانية كمان والفراش يعني الليلة تلجم اقامة من لحافه وفراشه - 00:18:51

يتوضأ يتوضأ يعالج نفسه قام الى الصلاة. فيقول الله سبحانه وتعالى لما نكته ما حمل عبدي هذا على فصنع. انا اللي باهري في الحديث ده ايه؟ اللي باهري في الحديث ده ان الرجل ده واقف يصلى يا جماعة في الارض وهو مش حاسس اللي حاصل بسببه في السماء - 00:19:16

الراجل ده واقف يصلى في الارض وهو مش مدرك السماء مقلوبة بسببه. ربنا بيقول لما ياكطة الملايين شايفين عبدي ده ما هو اهل قيام الليل زي ما النجوم في السماء بتتراءى لنا. شايفين النجم المنور او ده في الارض. شايفين العبد ده ما حمل عبدي هذا على ما صنع. اللي واقف في - 00:19:36

التلجم ده وسايب مراته وحبيته وسايب فراشه وسايب اللحاف وسايب البطانية. وواقف يصلى وهو بيرتجف من البرد بين ايدين

ربنا. شف المنزرت تحت تشفوف يصعب عليك وتقول له يا عم نام. لو شفت المنزرت اللي فوق قلبك انفطر فيها. وربنا بيضحك بيك قبل عليه 00:19:56 - بوجهه وهو يضحك

سبحانه وتعالى والملائكة بتترده في حوار من فوق سبع سماوات بسبب هذا العبد الفقير الضعيف. ايه اللي خلى له قيمة عند ربنا سبحانه وتعالى ايه اللي رفع قدره عند الله سبحانه وتعالى؟ ايه اللي خلى له قدر عند الله سبحانه وتعالى؟ اللي خلى له قدر هو قيام الليل. عشان كده النبي عليه الصلاة والسلام يقول من قرأ - 00:20:16

في ليلة عشر آيات كتب له قنطرار من الأجر. فيقال له يوم القيمة. اسمعوا بقى الكلام الخطير. اقرأ وارقى بكل آية درجة. يعني ايه؟ يعني احنا عارفين ان كل آية بنحفظها في القرآن في الدنيا يا رب ارزقنا حفظ القرآن في صدورنا يا رب - 00:20:36

اللهم ارزقنا حفظ القرآن في صدورنا يا رب. اللهم شرفنا بقيام الليل بين يديك يا رب. اللهم شرفنا بقبل القيام الليل شرف المؤمن. الامة اللي ما تجتمعش على قيام الليل امة مسلوبة الشرف. مسلوبة الشرف بينها وبين الله قبل ان تكون مسلوبة الشرف بينها وبين فالنبي عليه الصلاة والسلام بيقول لك من قرأ - 00:20:56

عشر آيات في ليلة كتب له قنطرار من الأجر فيقال له يوم القيمة اقرأ وارقى فان لك بكل آية درجة. يعني يا جماعة كل آية الواحد بيحفرها عارفين بدرجة في الجنة - 00:21:16

طب الحديث ده بيقول لك ان كل آية بتترليها في قيام الليل بدرجة في الجنة. يعني كلام خطير جدا. يعني انت لو قريتني الليلة مية آية هي في قيام الليل بميت درجة في الجنة بازن الله سبحانه وتعالى. لو قريت الليلة الف آية في قيام الليل بالف آية بالف درجة في الجنة. بازن الله سبحانه وتعالى - 00:21:30

كل آية في قيام الليل بدرجة في الجنة كلام خطير جدا بقى احنا مضيعين عمرنا ليه؟ ان ربكم يعلم ديت يعني هيديك مش هيضيع عليك لما واحد يقول للثاني انا عارف انت بتتعب قد ايه. عارف دي يعني معناها ايه؟ بعدها والله يقدر الليل والنهار. ما دام ربنا مقدر. ما دام ربنا سبحانه وتعالى - 00:21:50

يعلم اللي انت بتعمله شف بقى لما واحد يقول للثاني انا مقدر ما تخافش تعال بس اعمل الشغالانة دي وانا هقدرك انا هقدرك ديت لو من واحد غني غير لو من ملك - 00:22:10

او رئيس جمهورية غير لو من الله لما ربنا يقول قم الليل وانا هقدرك. قوموا الليل وانا هقدركم للي يقول ليه ان ربكم يعلم انك وادنى من ثلثي الليل. يعني النبي عليه الصلاة والسلام يبدأ الليل امتهن ايا جماعة؟ يعني العشاء تمانية والفجر اربعة مسلا يعني تمان ساعات قولوا مسلا تسع - 00:22:20

طيب يعني سلسال ليلي ايه؟ ست ساعات يعني النبي يبدأ الساعة عشرة بالليل النبي عليه الصلاة والسلام يبدأ قيام الليل عشرة بالليل ونصف يعني يبدأ اتناسنر بالليل والثلث يعني يبدأ واحدة ونص بالليل آآ وطائفه من الذين معك. يعني مش كل الصحابة كانوا بيقوموا الليل مع النبي. ديت مواعيد دخول النبي عليه الصلاة والسلام في دار الأرض - 00:22:40

النبي عليه الصلاة والسلام كان بيدخل في دار الأرض في اي وقت من هذه الاوقات ويقوم الليل مع اصحابه. رضوان الله عليهم اجمعين. يا اخوانا اهل قيام الليل دول هم - 00:23:00

العواميد اللي يتشاروا عليها الدعوة. يعني انا الوقتي فيه فرق بين البلونة وكيس الرمل وعمود الخرسانة. ربنا يثبتتنا على طاعته يا رب. فيه اخ او اخت باللونة منفوخ وبيعرف يقول كلام ولكن هو من جوة فاضي هو وفيه اخ عامل زي شوال الرمل شوال الرمل يعني يعني انت لو - 00:23:10

حطيت شوية رمل كتير ممكن تدرا عنك مسلا ضربات طلقات بالرصاص. انما ما ترضاش عنك قنبلة وفيه اخ عمود خرسانة. عمود خرسانة مسلح عايزين نبني عواميد خرسانة مسلحة. عايزين نبني رجاله بحق وحقيقة. عايزين نبني ابطال يشيلوا الدين بحق وحقيقة. العمارة اللي انا ساكن فيها ديت شايelaها - 00:23:30

مسلا عشر عواميد وساكن فيها مسلا تلتميت بنبي ادم او ميتين بنبي ادم. يبقى اللي شايل عشرة واللي ساكن متين او كذلك الدعوة الى

الله. فيه رجالة شايلة الدعوة بناء للدعوة وفيه ناس متشالة في الدعوة انت من انهي صنف من الانتين؟ قيام الليل ان ناشئة الليل هي اشد وطنا - 00:23:50

عارفين يعني ايه شد وطن؟ عارفين المكنة الكبوة اللي بتقوم مسفلة الشارع؟ بتقوم هرسة الاسفلت اللي بيحطوه آآ وتقوم يابسة ومخلية الشارع متبعد اهو قيام الليل ده مكنة الكبوة اللي بتسللت قلبك. اللي بتبعد قلبك لله. اللي بتخللي قلبك - 00:24:10 طريق متسللت قدام اوامر الشرع كلها. ما يقفلش قدام اي امر من اوامر الشرع بينك وبين الله سبحانه وتعالى. قيام الاشد وطاً واقوى مقيلا يسدلك بيخللي الكلمة خارجة منك داخلة في القلب على طول. قيام الليل والله يقدر الليل والنهار. علم ان لم - 00:24:30 فتاب عليكم. مش هتقدرروا تصلوا الليل كله. فاقرأوا ما تيسر من القرآن. اقرروا يا امة محمد القرآن بالليل. صلوا بقيام الليل طب يا رب احنا عندنا ظروف يا رب احنا يا رب مش فاضيين ليه؟ يا رب احنا عدينا مرضي اه علم ان سيكون منكم مرضي. ايوة فيه مرضي فعلا - 00:24:50

كورونا يضربون في الارض يتغرون من فضل الله. وفي ناس يا عيني شغالة ليل نهار. في لقمة العيش. وآخرون يقاتلون في سبيل الله وفي جهاد. رغم ان احنا كنا لسه في سنة واحد. سنة واحد مكية في - 00:25:10 الآية دبت هتنزلها ولكن ربنا بيقول هيبيقى فيه جهاد وبياهل الصحابة نفسيا له. وكان القتال ذكر في سورة قيام الليل. لأن اللي هيقوم الليل هو اللي هيقدر يقاتل في سبيل - 00:25:20

للله. لأن مدرسة قيام الليل هي التأهيل للقتال في سبيل الله والجهاد في سبيل الله. طب جميل جدا يبقى ربنا اهو بيقول ان فيه مرضي وفيه ناس مشغولة ببقى يا رب ازا بقى - 00:25:30

فاقرأوا ما تيسر منه. يبقى قبل علم ان سيكون منكم مرضي فاقرأوا ما تيسر من القرآن. وبعدها فاقرأوا برضو ما تيسر من يعني القضية مش قضية ان انا مشغول او ان انا تعiban او ان انا طول الليل شغال فمعناه قومي ولو ربع ساعة. قومي ولو نص ساعة. قيام الليل له تلات انزمة. فيه قيام الليل بالمدة - 00:25:40

زي ده ثلثي الليل ونصفه وثلثه. وفيه قيام الليل عدد الركعات. من قام الليل قبل بعض الاوقات. زي النبي عليه الصلاة والسلام حداشر ركعة. وفيه قيام الليل بالآية؟ عدد الآيات. منقرأ في ليلة عشر ايام لم - 00:26:00

يكتب من الغافلين. ومن قرأ الليل بمية آية كتب من القانتين. ومن قرأ الليل او قام الليل بالف آية كتب من المقطرين. الفاية دبت يعني الجزء التسعة وعشرين وتلاتين مع سورة الفتح - 00:26:20

يعني بعض اخوانى يعني كنا بنصلی هنا مع بعض ليلة كده قربا قيام ليل مع بعض. فواحد قال ايه ما تيجي نقطر الليلة شجعنا كلنا. يعني سخنة كلنا يعني الجزء التسعة وعشرين والتلاتين الله المستعان - 00:26:30

فاقرأوا ما تيسر منه. واقيموا الصلاة واتوا الزكاة. ها واستغفروا الله ان الله غفور رحيم. استغفروا الله بعد كل القيام ده يا رب استغفروا الله بعد كل المجهود ده يا رب استغفروا الله. يعني ده المفروض ان بعد المجهود ده يعني اطلبوا من الله بقى الفردوس الاعلى. يعني - 00:26:44

مدى دي عاملة زي واحد راكب على سقالة. كل ما بيعلى كل ما بيشفوف اكتر. فكل ما بنزود في العبادة كل ما بنحس بالتقدير اكتر واكتر يا اخوانى في الله. يعني قيام الليل ده - 00:27:04

ايقاز الصحابة له ثغر النبي عليه الصلاة والسلام. يا اخوانا النبي هو اللي كان بيصحى الصحابة لقيام الليل. النبي هو اللي كان ببنادي اذا جاء ثلث الليل الآخر يقوم ويقول جاءت الراجمة تتبعها الرادفة يوم القيمة جاي قوموا الحقوا يا تلحقوا يا ما تلحقوش. جاء الموت بما فيه - 00:27:14

قوموا انت مستنبيين ايه؟ يا يوم القيمة يقوم. يا اما الموت وملك الموت بيجي. انت مستنبيين ايه؟ الا ان سلعة الله غالبة الجنة مش ببلاش. الا ان سلعة الله الجنة. النبي بيقول قوموا ادفعوا تمن الجنة. الجنة مش ببلاش. قوموا ادفعوا تمن - 00:27:34 في الجنة من خاف ادلج ومن ادلج بلغ. اللي خايف عنده ميعاد مع مع رئيس الجمهورية الساعية تسعه الصبح في القاهرة بيقول مش

هيطلع الساعة ستة الصبح من المنصورة بيقول ده انا اروح وابات على بيات. ده انا اطلع من بالليل وابات. من خاف هبلش اللي خايف انه يفوته الجنة ينزل من الليل - 00:27:54

في الليل ان ادلج بلغ اللي هيصلني قيام ليل هم دول اللي هيوصلوا. النبي عليه الصلاة والسلام كان بيدي خطبة. كان بيعمل جولة دعوية في المدينة المنورة في التلت من الليل بيقول للصحابة قوموا. قوموا الجنّة مش بيلاش. قوموا لقيام الليل. يعني النبي بنفسه كان يصحّي الناس لقيام الليل. عليه الصلاة والسلام. يعني ده تغير انباء يا جماعة. يعني قيام الليل - 00:28:14

دي عبادة خطيرة احنا مستغنين عن ربنا ليه؟ مستغنين له لو رئيس جمهورية نزل لواحد الساعة اتنين بالليل بيخبط فمراته بتقول مين؟ قال لها رئيس الجمهورية عايز ايه لو عنده اي حاجة عايزها انا جاي اشوف لو تحتاج مني اي حاجة. فبتقول لجوزها قال لها انا تعبان وشقيان وطول الليل طافح الدم. مش فاهماه قولى له مش قادر - 00:28:34

قولى له نايم. قولى له يعني لازم يبقى رفيق بالناس شوية. فقالت له نايم. تخيلوا بقى لو رئيس الجمهورية قام نازل الليلة اللي بعدها وقام مخبط. ايه؟ انا عايز لو تحتاج اي حاجة قولى له نايم وكل ليلة قولى له نايم وربنا بيتنزل كل ليلة. والله المثل الاعلى. ايه الحلم ده يا جماعة؟ فرص هنندم عليها. فرص - 00:28:54

عليها دم يوم القيمة. لو لم ننتبه الان ربنا يوقظ قلوبنا لقيام الليل. يعني انا لان بدأت متأخر فيعني هختم الان بازن الله سبحانه وتعالى اخواني في الله. ان شاء الله بازن الله - 00:29:14

ولكن قبل ما اختم اه يعني انا عايز اقول لكم قوموا الليل بسورة المزمل. قوموا الوقتي اتوسي وصلي ركعتين بسورة المزمل وطولي في الصلاة. قم يا ابني عش مع - 00:29:24

الليلة الا قليلا. اول اية في سورة المزمل. يا ايها المزمل. النبي ملفووف في بطانية ونايم على السرير عليه الصلاة والسلام. اخر اية ربك يعلم انك تقوم وانت من ثلثي الليل النبي واقف ورجليه متشققة تكاد تنزف الدم وارمة زي ساقى النخلة وهو واقف الاية هو اللي في اخر اية محمد ابن عبدالله عليه السلام - 00:29:34

اللي قلب الوضع كده القرآن. القرآن هو اللي قلب هو اللي عمل الانقلاب ده في حياة النبي عليه الصلاة والسلام. يعني اول اية في سورة المزمل وصف ليه للنبي قبل - 00:29:54

القرآن. وآخر اية في سورة المزمل وصف ليل النبي بعد القرآن عليه الصلاة والسلام. يبقى اللي قلب الوضع هو القرآن زي سورة المدثر بعدها. اول اية ايها المدثر انتصار البلوفر ابو خمسمية جنبيه اللبس الشيك الفخم. وصف نهار النبي قبل نزول القرآن. وآخر سورة المدثر ها - 00:30:04

كانهم حمر مستنفرة فرت من قسوة قسوة الاسد. لأن النبي عليه الصلاة والسلام اسد ونازل يكلم الناس عن ربنا. لأن يعني قوة رهيبة في الدعوة. يبقى اول سورة المدثر وصف نهار النبي قبل القرآن. وآخر سورة المدثر وصف نهار النبي بعد القرآن. يعني يا جماعة القرآن ده انقلاب في حياتنا يا اخواننا. ربنا يفهمنا - 00:30:24

القرآن ربنا يجعلنا من اهل القرآن. ربنا يرزقنا صحبة القرآن قومي الليل دهوت بسورة المزمل. سورة المزمل ليه للمؤمن وصورة المدثر نهار المؤمن ربنا جاب المزمل في ترتيب المصحف. مش في ترتيب - 00:30:44

النزوّل قبل المدثر لأن اللي ما لوش ليل ما لوش نهار نقوم الليل بها يا اخواننا نقوم الوقت بعد الدرس بازن الله سبحانه وتعالى. يعني واللي مش كده يقوم في اخر الليل باذن - 00:30:59

الله سبحانه وتعالى بركتين بسورة المزمل ويطول ويعيش ويعرض المعاني على قلبه. خلاص يا اخوانا رمضان اهو رمضان داخل. انت عارفين يعني لما كنت راكب عربية وراح مؤتمر مؤتمرات الصعيد. العربية يعني فجأة طلع موتوسكيل قدامنا. فالراجل جه يفرمل. الراجل كان ماشي على سرعة مسلا - 00:31:09

مية وستين مية وسبعين كده ولا حاجة. فالراجل جه فورمل قدام اول ما شاف الموتوسكيل. العربية رغم العربية كانت زورو لسه اول نزلة لها على الارض او يعني هنبقى لها يوم ولا يومين على الارض. العربية قامت جاية يمين وجاية شمال وجاية لافة مية وثمانين

درجة وشها بقى عكس الطريق بقى في وش العربيات اللي هتيجي وراه - [00:31:29](#)

وcameت مقلوبة اربع قلبات بنا وقفت على وش آآ منحدر كده يعني زي ترعة بس ما فيهاش مایة كمان يعني ترعة زي ما هو ووقفت على الحرف بتاعها مقلوبة بنا. سبحان الله العظيم! يعني يعني قلت سبحان الله! ما فيش في الوجود كله اختراع لفراهم تقدر -

[00:31:49](#)

تفرمي على سرعة مية وستين في لحزة وتوقف العربية. ما فيش في رمضان بعد حوالي خمسة وثمانين يوم اهو. في رمضان خلاص ما قرب. ما حدش يتخييل انه هيعرف يفرمل اول ما بييجي - [00:32:09](#)

في رمضان ومع القرآن وقيام الليل ويقوم مفرمل الدنيا في قلبه. ويقوم منطلق لم رمضان. لازم هنفرمل بين الوقت يا جماعة. لازم هنفرمل من بدري بازن الله سبحانه وتعالى قوموا وقوموا الليل واتشجعوا واجهزوا عشان كده رجعنا تاني لمشروع الورش. عشان كده الأسبوع اللي فات قلت لكم بازن الله سبحانه وتعالى وعملت الأسبوع اللي فات اجتماع مع قادة الورش - [00:32:19](#)

بازن الله سبحانه وتعالى يعني المفروض ان ابو يحيى بقى يجيب لي تقرير عن قادة الورش كلها الورش هتبقى بعد الدرس الاخوة موجودين؟ في ورشة اخوة بعد الدرس ان شاء الله لمين بقى - [00:32:39](#)

ابو مالك بازن الله سبحانه وتعالى ورشة الاخوات اتعلمت طيب الله المستعان يعني المفروض ان شاء الله بازن الله ابو يحيى يديني تقرير عن الورش. يا جماعة انا بادعو كل اللي معنا شباب وبنات في الدرس ان شاء الله بازن الله انهم - [00:32:54](#)

ام المشروع الورش. يعني ايه الورش؟ يعني كل ورشة رجالية مسلا زي ورشة ابو مالك كده بعد الدرس ده على طول. نسائية آآ يعني معروف مواعيدها. بيبقى كل ورشة لها معاد - [00:33:08](#)

الورش ديت بتبقى ايه؟ يعني اسرة ايمانية على النت. يتقابلوا مع بعض. تتعرفوا على بعض. آآ بيبقى لكم غرء يعني ايه آآ آآ كلام مع بعض على السكايب بس او خط واتس مع بعض او اي تواصل باي صورة مسلا على صفحة فيس مع بعض تشجعوا بعض تسمعوا

دروس رمضان مع بعض تعاملوا جدول عبادة مع بعض تصحوا الفجر - [00:33:18](#)

البعض يعني تكافحه يا جماعة تكافحوا يعني التصحية للفجر تطورت لدرجة ان بقى فيه اجراس للتصحيح للفجر ما تتقلش بضغط على الزرار تتقلل محل معادلة حسابية. لازم تحلى في معادلة حسابية عشان تقدر الصوت يبطل. والا الصوت لا يتوقف. يعني فيه حاجات سبحان الله العظيم يعني فيه فيه ناس بتكافح يا اخوانا. يعني - [00:33:38](#)

شرع الامر ده في ناس بتكافح عشان تقوم الليل وعشان تبعد ربنا وعشان تخلص النعمة بتاعتتها. الورش هدفها ان آآ آآ بيبقى فيه آآ تواصل وترتبط تلاقي حد تحكي له مشكلتك او تلاقي واحدة تحكي لها مشكلتك. آآ تتشجعوا بعض في الجولة اللي بتتعمل قبل درس الجمعة. يوم الجمعة في الجماعة الشرعية او الجولة بتاعة النت اللي بتتعمل - [00:34:02](#)

النهاردة قبل الدرس بتاع الساعة عشرة آآ تحضروا مع بعض دروس الغرفة الصوتية عشان تربوا. تحضروا تحفزوا مع بعض القرآن ما شاء الله لا قوة الا بالله. يعني النهاردة في دار البيان مشروع المحطات السبعة لحفظ وتجويد القرآن. مشروع صحق تلاوتك ما كانوش لاقيين مكان للطلبة. اللي جايin يصححوا تلاوتهم واللي جايin يحفزوا - [00:34:22](#)

فضل منه الله سبحانه وتعالى في ناس بتجهدها اشتغلوا. مفروض النت انتكم تعاملوا مشروع صح تلاوتك عليه. المفروض النت مشروع المحطات السبعة للقرآن هو ده هدف الورش. هو ده هدف الورش. آآ لما نيجي نعمل مسلا آآ حاجة ايمانية بيبقى احنا نعرف نتقابل مع بعض ونعرف نتلهم مع بعض ننزل جولات مع بعض - [00:34:42](#)

وهكذا ان شاء الله بازن الله يعني كل واحدة ما هياش مرتبطة بورشة من الورش ما تخرجش من الغرفة الوقتي الا لما تحدد لنفسها ورشة ان شاء الله بازن الله وكل واحد مننا يدخل الورشة بتاعة ابو مالك - [00:35:02](#)

بازن الله بعد الدرس ربنا يسدكم ربنا بيارك فيكم. رب اجعلنا لك صوماين. لك قوامين لك قوامين. رب اجعلنا لك صوماين لك قوامين لك ذكارين لك شكارين. رب تقبل توبتنا واغسل حوبتنا واجب دعوتنا - [00:35:14](#)

وثبت حجتنا وسد السنتنا واهد قلوبنا. واسل سخيمة صدورنا واسل سخيمة صدورنا اللهم استعملنا ولا تستبدل بنا. ربنا اتنا من

لدنك رحمة وهيء لنا من امرنا رشدا. سبحانك اللهم وبحمدك اشهد ان لا اله - [00:35:34](#)

استغفرلك واتوب اليك. جزاكم الله خير - [00:35:54](#)